



a cura di Ezio Baglini

**AA.VV., I love Liguria, ed. Erga, 2011, pag. 216.**

Partindo da Dosàiga, e co-o testo scrìto in italian e inglese, se destêga unn-a completa carelâ de paixi de l'Entrotæra ligure e de l'Oltrezôvo, con brevi ma inportanti comunicaçioin stôriche e giografiche, eventi, sagre e monumenti da vedde, compreixi parchi naturâli, valadde e muzêi. Tante notiçie utili, aconpagnæ da belle fotografie e articoli a tema, firmæ da inportanti aotoi tra i quæ a niatri n'è cao çitâ doî che conoscemmo ben: o R. Bixio co-a relaçion in sciâ "Liguria invisibile" e o R. Terranova ch'o ne parla de "ardesie". Gh'è poi o V. Pronzati con tûtto e de ciù in sce l'êuio, pesto e vin; e o A. De Pascale ch'o ne conta do "Museo archeologico" de Finâ.

Manco a dîlo, perchê fan de longo cosci, a bella grâfica e o papê adêuviu da l'Editô, sempre 'super', pægio a-a qualitatê di testi.

**Francesca Di Caprio Francia, Piccoli martiri, ed. Città del Silenzio, 2011, pag. 152.**

Poêmo deuviâ con vanto a paròlla "civiltæ occidentale", sciben che, ancon çent'anni fa ò fòscia poco de ciù, anche into nostro paize gh'ea a ciâga do sfrutamento di minori che, pe fortun-n-a, ancheu a l'è stæta debelâ, diescimo do tûtto. A l'è stæta 'na conquista lenta, favorîa da numeroxi fatoî, esterni a l'argomento, che tutti insemme àn contriboio a rasonze o rizultato, vegnûo poi 'diritto' co-a Lezze do Stato. O libbro o l'incomensa co-ina fondamentale premissa: a memòia do pasòu pe 'n megio avegnî; e o finisce co-ina breve riflascion che, oviamente, a l'è da lêze, perchê o programma colturale o l'è tutt'âtro che finîo: a ciâga a l'existe ancon into mondo, anche poco distante da noiatri. Gh'è ancon pe cosci da travagiâ: e ghe n'è pe tutti. Lezendo o libbro s'acapisce quante gh'è ancon da fâ.

**Progetto Schêue de Zêna, 2010-2011, realizou co-a Region Liguria.**

Emmo concluoz o primmo inpegno pigiòu co-a Region, de spantegâ o zeneize tramezo a-i zoêni, pròpio comme l'è into spirito do nòstro sodaliçio.

Tutti i sei libbri son stæti consegnæ a tûtte e classi (ciù ò meno 1200) de schêue elementari de Zêna.

Ciù de sciuscianta insegnanti se son presentæ voentea pe deuviâ – dòppo un corso de formaçion pe-i meistri – i libbri co-i scolai.

A fadiga a l'è stæta tanta, ma a sodisfaçion d'avei fæto 'na grande operaçion, degna de 'n Consolato ch'o fonçionn-a e de grande inpatto soçiale e asociativo, a ne fâ procêde a testa erta pe-o ben da Compagna.

Tutti i aotoi e ilustratoî de tutti i opuscoli e libbri, àn travaggiou de badda, e ascì chi l'â camalæ schêua pe schêua, a unico vantaggio da nostra Asociaçion.

Tutto quante l'è stæto dæto a-e scheue, o no l'è in vendita a-o publico; ma se-e richieste saiàn tante, se porîa pensâ de fâne niatri 'na ristampa.

In questa pagina le copertine dei sei libri pubblicati.

